

No. 230. 1448. 23. Dec.

Probst Burkard und das Capitel verkaufen den Testamentarien des Nicolaus Weyner ein halbes Schock Schildgroschen zu Stiftung eines Jahrgedächtnisses.

Wir Burckardus prabst —, Michael prior, Jacobus senior, Caspar custos, Johannes cantor vnde das gantze capittil des — closters senth Thomas bekennen —, das wir — vorkouft habben — den erbarn hern vnde meistern Petro Schusen vnde Johanni Vdericz testamentarien ern Nicklaus Weyner selliges gedechtniß eyn halb nuwe schogk schildichter grosschen Friberger muntze in vnsers capittils gutern, wur die gelegen sind, vnde nemlich an den vir gulden, die do dynen zcu vnsrer libin frawen messe, die man do singet in dem aduent, also was von der teilunge der vier gulden, do von man den locaten, schulern vnde luter ꝛ. pfleret zcu lonen, obirblibet, das das selbige gelt zcu der iargeezit des obgnanten er Nicklaus Weyner dynen vnde kommen sal, vnde habben on das gegeben vmbe virczehen nuwe schogk grosschen Friberger muntze —. Vnde die gnante summa geldis drisig grosschen sal vns vnde vnserm gotzhuse geruglich zcu ewigen gecziten volgen —, also das wir — sollen vnde wollen uff den mantag vor divisionis apostolorum mit vigilien vnde den dinstag darnach mit der selemesse, addir wen das allerbeqwemlich sin wirdet vor addir nach, eyn ewiges gedechtniß alle iar ierlichin vor den egnanten er Nicklaus Weyner vnde sine eldern in vnser closter halden, — darczu das obgnante halbe schogk vns dynen sal zcur pitantien —. Des zcuorkunde — habben wir — vnser prabstie vnde — vnser capittil ingesigel an dissen vnsern offinbriff laßen hengen, der gegeben ist noch Cristi gebort tusent virhundirt iar vnde darnach in dem acht vnde virczigisten iare an montage noch senth Thomas tage des heiligen zwelfboten.

Nach dem Orig. im Rathsarchiv zu Leipzig mit den Siegeln des Probstes und des Capitels an Pergamentstreifen.

No. 231. 1449. 13. Jan.

Schiedsrichterliche Entscheidung einer Streitigkeit zwischen dem Probst Burkard und Heinrich Schultze in Betreff einiger Güter, welche der letztere von dem Kloster zu Lehn trägt.

Anno XLIX an dem achten tage der heyiligen drei konige haben die ersamen Steffen Stuß die zeit burgermeister zcu Leyptzk vnd Hans Bruser vf part meyns hern des probistes Burckard, vnd Jeger von Albrechtishayn, Voster von Brandis, Valentin Jenichen vnd Aldenbach der richter zcu Zcwenfordt vf part Heinrich Schulzen zewischen den gnanten ern Burckardo probst vnd Heinrich Schultzen betediget vmb etzliche zewitracht, die sie zcuenander gehabt haben von etlicher guter wegen, die denn Heinrich Schultze von dem gnanten probiste zcu lehen hot, so das Heinrich Schultze die guter sal frey haben mit trifft vnd ander sachen, als er brife dor ober hat, vnd keyn guter mher sunder welche der brif ynne heldet, vnd sal